

武寧縣志卷之四十二

武寧縣知縣滇南李 珣纂

藝文 詩

近體

〔唐〕

過武寧縣 十月十九日

王 周

行過武寧縣初晴景物和岸回驚水急山淺見天多細草濃
藍潑輕烟匹練拖晚來何處宿一笛起漁歌

見晚唐詩鈔原載海鹽胡遜叟全唐詩戊部

〔宋〕

四望亭

韓 琦 相州人

西北雲高拂女牆危亭虛豁望中長田間堤陌成新隰天外

武寧縣志

卷四十二

藝文近體

一

八百一
三百五十五

山川是舊疆古道入秋漫黍稷遠坡乘晚下牛羊凭闌多少
無言恨不在歸鴻送夕陽

送徐景道尉武寧二首

黃庭堅 山谷

李苦少人摘酒醇無巷深當官莫避事爲吏要清心葛藟松
千尺寒泉縷百尋公朝有汲引吾子茂徽音

黃綬補一尉還依水竹居身隨南渡馬書寄北來魚風俗譜
鄰並艱難試事初官閒莫歌舞教子誦詩書

見山谷外集年譜元祐三年戊辰作

龍潭石

邑令 吳彥夔

雲山隱隱草芊芊水色迷離怪石邊百疇黃鸝消永日千尋
白練映長天竹垂清露添詩硯燕蹴飛花落舞筵 杜句 林外不
知春雨歇正宜攜酒望前川

嚴陽菴

韓駒

石根路轉白雲深尊者遺椽可細尋只道來時無一物尙畱
陳迹到如今

過梁口

張商英成都人

迢迢一水遶千山桑柘陰陰聚落寬好事莫傳江上信漁樵
自不識衣冠

登九官山

謝枋得弋陽人

眞人何代結幽棲累世奎章煥紫泥日月高奔黃道近衡廬
傍出玉繩低

鑄試劍石九官山

洞天深處構斯亭無限峰巒管送迎題品我慚無妙語爲君
畱以萬古名

武寧縣志

卷四十二

藝文近體

二

八百三
三百五十八

遊譚田寺

蔣金部江西人

我愛譚田寺短橋橫碧波數椽松竹裏靜處不須多

登四望亭

王炎

春老飛花罷園林遍綠陰憑高聊寓目念遠更傷心劇郡才
難稱衰年病易侵不如休歇去吾意決投簪

修水晚步二首

山靜天同碧溪流月影遲緩行聊問俗小立卻支頤樵斧寒
尤響漁舟晚更移老夫無伴侶稚子獨追隨
風定畱黃葉波深湧白沙前山惟道院斷岸半漁家老去忘
時事閒中度歲華經旬如再出便可探梅花

望江樓

周應合邑人

澄江如練正高秋一笛吹秋上此樓有客乘風來縱酒長歌

遠送下灘舟

歸建溪

鄢玉庭 邑人 益齋

歸去寒溪覓舊盟相逢詩酒足娛情閒雲不礙青山好物外
風高心自清

〔元〕

曉發高平

范 梈

曉發高平鎮前旌路未分小橋煙外過流水月中聞虎豹宜
多隱鸞凰自不羣居人時避暑報有竹連雲

題書齋

周天驥 邑人 耐軒

年光容易逝努力在春畦莫待秋風起梧榕落晚溪

出三碛峽

揭傒斯

積水羣山裏行舟亂石間地偏疑隔世峽怒欲藏關獨鳥啼

武寧縣志

卷四十二

藝文近體

三

八百四
三百四十五

深樹斜陽下急灘千憂逢一快未覺此生孱

〔明〕

題龍潭石用前人韻

邑令 盛文郁 東民

春深芳草綠芊芊學浴沙鳧戲眼前花落石巖畱宿雨舟移
煙渚蕩晴天一聲短篴來漁浦幾陣輕風入玳筵重訪音人
行樂處坐邀明月醉平川

其二

蒼煙撩亂江心遠空瞰危崖閱歲年清影魚遊光不滅深潭
龍躍怪誰傳詩摹石壁隸成草字補苔錢缺又圓我爲探幽
滋感慨况當風雨竹涓涓

遊柳山讀書臺二首

柳峰聳翠豫寧西人去壁空花歇時古硯雲浮池水溢荒臺

薺合晚風遲鳥聲細調江南曲石室虛存刺史詩我欲投閒
歸未得野巖空自老商芝柳渾有江南曲
屐折巉巖日墮西暮鴉幾樹雜啼時臺陰隱隱牙籤亂石際
熒熒燈火遲壁掛雪帆疑泛艇山橫圖畫可裁詩停居小宿
雲邊寺時有幽僧獻紫芝

登太平山謝雨

太平宮接紫微宮雲樹依依雨露通草靜巖深村市遠水流
花落古今同掃除旱魃甦民困呼吸雷霆奪化工登拜相將
天尺五道人猶自臥高峰
春膏沾足沛仙宮躡屐摩雲一徑通道士莫教童子出老夫
不與縣官同寄來玉版三千片煉就丹砂百二工醉後相思
何處是夜闌騎鶴下天峯

武寧縣志

卷四十二

藝文近體

四

八百五十四百廿

按洪武正韻有獨用當併爲通用如東冬清青之屬前明
諸作近體每多通用是詩濃空峰互見姑存之而宋濂序
曰古音惟諸協故無不通江左制韻之初但知從有四聲
不知衡有七音云云

答陳用達題書平政堂韻

甘棠樹底思平政曾是何郎舊品題事業空從日月老文章
忍與燐螢齊雨餘印篆苔花潤晝靜鈎簾草色低看我素餐
成潦倒有何蔽芾及羣黎

叩龍湫禱雨

洪武二十七年七月七日

夾道層陰護老松定知巖穴有神龍我來乞取天瓢水洗出
伊山第一峰

龍潭石六首

一片蒼苔古石頭龍蛇剝落墨花秋何年遺蹟無人識日暮
雲陰老眼愁

斷文訛畫辨釵頭露脊稜稜石骨秋寒氣襲人風自冷隔江
雲樹暮鴉愁

絕壁崖懸最上頭雨痕煙影數行秋擬將鍊筆揮殘闕江水
茫茫不勝愁

綠石荒苔古岸頭水空葉落暮雲秋舊題彷彿存蝌蚪漫遣
禽魚日夜愁

蜿蜒小篆幻螭頭石室雲迷知幾秋吟眺欲窮前古事日斜
又動故鄉愁

巉巖巨塊壓江頭霜落空亭幾度秋髣髴浯溪扶杖處攬衣
惆悵起新愁

武寧縣志

卷四十二

藝文近體

五

八百六
三百四十五

祭王夫人墓

王

輔
錢塘人

天上星沉痛莫呼我來空自弔黃姑紫鸞誥冷春風遠烏鳥
音淒夜月孤一子已登廉吏傳諸孫續入縉紳圖銀蟬金棗
長埋處可有慈雲護碧梧

按夫人姪孫王輔任江西南昌道僉事以永樂二年牲帛
登墓拜祭而賦此詩

望江亭

殷

縉
邑人

江北江南雲樹閒高亭遙望大江寬一燈修水疎林外半榻
風橫舟上寒
孤村漁火映江新沙鳥微茫過曉津兩岸青山原不老雲帆
一片挂紅塵

寄題望江亭

徐

觀
豐城人

蕭蕭落木下江東水色天光隱斷虹遠浦帆歸荒草白小橋
人戴夕陽紅一聲牧笛芳煙外雙櫓漁歌曉露中勝概多因
清望重蘇黃誰與繼高風

望江亭

楊崇豐
人城

日暮孤亭碧影閒依人流水自潺湲煙汀雲樹蒼茫外沙鳥
風帆出沒間趨市客來朝問渡打魚人去暝尋灣幾年穩合
紅塵夢江上清波一解顏

甘泉亭

周政
邑人

仙風鐔影今何在此日山亭我獨登三尺頓揮香液出一泓
時有白雲蒸空搔短髮憑誰問欲浣塵肝媿未能山鳥向人
多寂寞倚闌小立冷如水

訪柳貞公遺蹟

邑令馮琦

武寧縣志

卷四十二

藝文近體

六

八百七
四百零四

我來山上柳初碧正是春風拂袖幽苔磴只應芒履踏石門
未鎖客心愁舊時墨冶煙雲護落日書臺麋鹿遊獨坐翠微
無好句掀鬚空對白雲羞

讀書臺

楊廉
豐城人

日光斜照古峰端滿壑清輝上石欄芳樹不從秋色淡蒼苔
常映屐痕乾雲山當日誰知己煙水斯時起暮瀾葉落我來
空悵望數村野火烈高巒

登玉枕山

杜志宣
邑人

玉枕高橫修水湄歸來空有臥雲思鏡中白髮頻搔盡道上
黃梁已熟炊萬里風塵催我倦百年心事問誰宜從今學得
南華睡花落花開總不知

柳山書院

張如玘
邑人

清風淡蕩到人間一片白雲去復還綠草萋萋深挂壁青松
鬱鬱遠臨關何時古硯浮香霧此日荒臺掃敗菅搦管難描
蟲鳥篆墨池流水夜潺潺

永濟橋

葉雲谷 邑人

茫茫素練挂千盤遠勢全收鎖石欄雷洞煙雲頻出沒柳峯
龍虎杳盤桓數村花葉浮津面千里飛鴻度晚巒滿壑仙流
何處是溪聲不盡古風瀾

夜渡修水

薛應旂 武進仲常

明火褰帷夜渡河荒郊風葉下清波寒砧聲落城樓遠征馬
雲開驛嶺多吳客倦聽鸚鵡賦楚人猶唱竹枝歌當時漫釋
山中褐還向山前著芰荷 見方山集

豫寧道中

范兆祥

武寧縣志

卷四十二

藝文近體

七

八百八
四百零五

寒水澗頭千仞崖燕子石下波縈迴獨鞭瘦馬截流去鸛鳥
一聲山雨來

送張少尹還武寧

御史唐龍

昔負琴書至今橫劍佩歸一篙春水澗數點白鷗希行篋惟
詩滿沿江有泪揮到家秋正好晚圃蕨苗肥

歸里述懷

張天仁 邑人

夙昔青雲忽暮年居官三載賦歸田應知病體難勤政存得
丹心自樂天新酒但畱賓客醉舊書還教子孫研默牕牕外
閒看鶴芋粟充饑大似仙 默牕在縣北官塘源

題張鏡壁

參政盧懷莘

斜構茅簷五六弓一溪流水柳陰中間來濯足忘歸去橫枕
松根嘯五風

斜構茅簷五六弓農家麥飯滿蒸籠梧桐樹下閒行走何用
談天揭日宮

獅崖觀音閣

余佐明 邑人

巍巍石壁瞰江千仙閣飄飄碧影寒萬里山光淘翠浪千村
水色界青巒幾時苔蘚鋪新綠此日芙蓉放淺丹醉倚危闌
生逸興櫂歌杳杳入風湍

鍾鼎山

萬廷策 邑人

石鼎封幽室爐灰冷舊山春風試相問花落水潺潺

伊山

古洞畱仙意四時秋滿溪雲蒸龍子夢雨洗石牛泥吳楚流
相入林泉影欲低幻傳伊叟事回首竟茫迷

朱家山

參政 盧仲佃 婺源人

武寧縣志

卷四十二

藝文近體

八

八百九
三百九十字

風宿秋初飽單車石筍前懸崖高噴水密樹半兼天詩冷酬
清趣民窮結苦緣憂時頭盡白慚媿祖生鞭
盡日空山道稜稜石磴連鳥飛人影下雲散馬蹄前寇盜頻
年起風霜比室懸樗材當重託何以答堯天

宿羅溪公館

獨臥空山裏愁心解佩刀夜深猿自嘯風冷月初高問俗疲
郵傳憂時損鬢毛坐看狂寇滅濁酒灑征袍

羅溪曉行

滿天遊意好秋氣淨詩脾石兀沿溪轉山高見日遲風飛殘
葉去人被野花嗤仰見犁雲者停車有所思

魯溪洞

王公句

鬼斧何冥密幽芳鎖石瀾天心豈好逸文物乃相干泉漱一

泓浮風清六月寒悠悠塵外路短車誰過看

舟次武寧

南瑞兵備 趙鵬程

雲外旌旗拂露清碧波微動最關情乘流擊楫江頭轉疑是
絃歌舊武城

丹崖訪呂仙遺蹟

教諭 游龍淵分寧人

丹崖爐火煉經年石室苔殘起暮煙鍊笛一聲山月小醉騎
黃鶴下雲邊

玉枕喜雨亭

甘雨時來六月涼賢侯政暇日初長河東臥治渾無事夢入
梅花遶砌香

看鶴亭玩月

李漢

華表歸來鶴影殘月光斜照碧波寒清閒擬結神仙侶夜靜

武寧縣志

卷四十二

藝文近體

九

八百三十八字

狂歌倚畫闌

武寧道中二首

巡撫 林俊莆田人

茫茫愁疾轉焦煎撥遣搗呼借晝眠幾地煙霞畱日月百年
文字入山川洞中白石乘牛處華表青峰化鶴年欲往桃源
尋古蹟小舟閒坐武陵仙

修醴江帆落午煙怯寒四月尙重綿青山屋上此何處獨樹
風高雲未眠古渡夕陽忙鳳口急流歸意重鳶肩倦遊薄作
謀生計待買沙溪學種田

按部武寧道中賡前韻二首

參政 王綸

路轉羊腸百慮煎籃輿穩處坐忘眠招邀風月橫修醴罨畫
溪山近輞川夢遶丹墀依上國愁添白髮過中年塵容自惹
山禽笑莫向深源問古仙

楸寒煨起柘煙無端風雨更連綿屏含山色春拖翠枕遶
灘聲夜不眠青鏡羞看搔短髮洪崖笑對拍空肩尋常不作
謀生計竟欲從茲種秫田

按部武寧道中賡前韻二首

提學副使邵

寶無錫泉

試摘新茶帶露煎風雲深處得高眠曉山排闥青連郭春水
浮槎綠滿川瑤草自宜生此地甘棠寧復問他年拂衣未展
還山願何處丹邱訪列仙

萬山旌節破風煙細草承輿軟似綿時稻歌喧春鳥和采桑
人倦晚蠶眠兩旬廬岳仍回眼百里洪厓更拍肩讀罷新詩
賡未得夜深猶夢對莆田

築城樓成登眺

府判張翼

築聲初散楚雲端使者頻來駐馬看十里江流增遠趣四山

武寧縣志

卷四十二

藝文近體

十

八百四十一
四百四十四

秋色入雕欄草間狐兔中原盡天上旌旗白日寒從此公餘
無一事只將孤劍倚巔巒

九日招諸文學登玉枕山風雨不果因集躋寧樓

玉枕何年是勝遊重陽堪約雨堪畱山城未種潯陽菊濁酒
聊登江上樓三楚風煙催落木千家砧杵動高秋憑欄不用
思王粲賓從全消暇日憂

度雙嶠宿松山寺

使者行田春漸暄崕岬千疊隔春原沿流映袂行天上飛巘
連雲到足跟三月驚心催布穀諸天畱客宿祇園白牛不去
元猿出此際高吟可自論

石燕寺

楚雲西去路漫漫萬里長天一線看就宿岳僧畱偈室似臨

天女散花壇林猿窺客蘿陰薄石燕迎人雨氣寒何事緇塵
淹俗吏每因勝地得盤桓

湧泉堂

野寺依微楚甸分千盤曲磴入氤氳不緣履畝行芳草那得
飄衣到白雲樹裏殘霞明夕照泉間涼籟散幽芬逃禪獨坐
莓苔冷一夜空山猿鶴聞

癸亥季夏紀雨

余

弼邑人

六月六日雨傾盆江北江南何處邨菜色藜藿已白骨錦衣
玉食自朱門風波半醒漁樵夢毛羽空畱鷗鷺喧渺渺修江
流不盡吾將閉戶睡昏昏

大陂潭

大陂潭水碧如苔今古名流見幾回倒影天光長作鑑好懷

武寧縣志

卷四十二

藝文近體

十一

八百一十一
三百八十九

應向此中開

遊長墅源迴龍寺

夏木陰森黛色濃偶來方外寄閒蹤關中見說青山老華表
猶傳白鶴空路入雪根天杪忽峰迴日脚石碣墜半生塵劫
何爲者慚愧山中六六峰

遊靖公庵

尋眞偶過靖公庵趺坐蒲團興愈酣山色到簾成幻影花香
入座似優曇半生塵事勞心夢一段禪機付手談牧笛數聲
殘照裏又隨馬首向東南

寓賓陽館逢雪書懷

履端風雪盡侵眸山色渾如人白頭塵夢更誰能喚醒宦情
今我始歸休探梅久折東郊屐訪戴空維子夜舟却憶袁安

高臥穩柴門深閉思悠悠

柳山

鳥道盤雲幾萬重昔人晦跡此高峯何時結屋蓬蒿內
礪戶蕭然對古松

二難湖同二東兄清溪兄泛舟

宦情今對白鷗洲世路奚須著巨眸地僻不聞絲竹勝逢人
休自說江州

買得春風錦水涯時時載酒上仙槎莫言醉夢浮生拙醒眼
相看亦自差

飲林康侯館

余長祚邑人

不似居城市蕭然野趣深椰尊容欸酌竹榻縱披襟歌歇鶯
能續書翻蠹可尋相過得一醉未是世人心

武寧縣志

卷四十二

藝文近體

十二

八百十三
三百五十五

同林大宗孫爾弓過輝之姪飲分舟字大宗以是夕還

棹修江

詩酒吾家社何時不可畱況來蔣徑客同作阮林遊露下芙
蓉夕天高鴻雁秋相攜芳渚畔去住總虛舟

黃厓書屋贈別沈孺林

空齋高枕到斜曛但過能書白練裙嬾癖自憐嵇叔夜詩才
誰敵沈休文一尊繾綣花間雨孤棹夷猶江上雲灌木陰森
囀黃鳥相求恨不共君聞

陸明府望雲亭

聞道鳴琴暇登亭重惘然瞻雲雙眼切愛日寸心懸江饌新
魚美園供孝筍鮮唯應將母鳥飛入帝城邊

山居卽事六首

驕雲恒作旱畏日不成秋擬就青林適還生赤地憂風多依
瘴起泉已斷谿流生計吾誠拙勞歌詎足酬
草澤愁如許桑林事有無山川行禱遍涓滴望來枯眞宰應
難測浮生盡可虞羊求儻相過莫遣徑終蕪

持金朝入市問糴暮空還橡栗家家拾葵蔬頓頓艱空雷猶
隔地毒霧不分山試察睂間色何時可破顏

往年青女降斂積已無餘今日黃花媚新苗宛自舒凌寒農
共詫滯穗粒常疎食指吾繁甚謀生豈晏如

白紙催租者公言官遣來雞豚無可算鴻雁實堪哀二月絲
何在三年穡已灰傳聞蠲賑惠早晚及蒿萊

如何荒札後白晝虎縱橫不惜封狐假時餘弱肉并松關嚴
蚤閉樵徑戒宵征北渡非難冀應傳異政名

武寧縣志

卷四十二

藝文近體

十三

八百十四
四百三十八

秋晚山莊雜興

六言

雨濯峰峰膏沐風傳樹樹笙竽推却羲和高枕灑來陶令新
酤白苧涼欺欲怯青萍色動堪呼三徑求羊代主千秋左馬
爲徒

石磴斜臨絕澗柴門直對層巒林光競送朝旭竹葉徐驅暮
寒身業蠹魚自擬人情木鴈同看此中歲月藏拙何處風塵
罷歡

早後黃尉見訪山中兼訂入邑之期

寂寞衡門掩薜蘿殷勤仙尉遠相過開尊一任烹葵薄懸榻
仍勞折簡多雁影千山憑望迴砧聲萬戶奈愁何知君保障
遺民意不待重陳雲漢歌

筠雪樓秋思

西風一夜到林邱水簞銀牀半是愁旅雁影傳征塞冷鄰砧
聲落故園秋花開別圃芙蓉岼露下空江蘆荻洲萬里月明
天似水獨懷無寐起登樓

秋日山中有懷方比部士功丈

空山容易動離思况是風梧露竹時遙憶美人秋水居然
仙吏白雲司三朝冠冕推先達一代文章啓後知最愛江樓
好乘興相從載酒訂前期

張明府枉駕城東

寂寥環堵寄城東鄭重傳呼小隊通明府車停秋色裏野人
身在白雲中蓬蒿舊徑憑誰展荷芰香心許暗同安得便期
彭澤宰陶然一醉菊花叢

過頭陀寺

武寧縣志 卷四十二 藝文近體 十四 四百二十字
空傳紺宇結峻嶒寂寂繩床不見僧西望彌天路何極長明
誰共佛前燈

連理松

大田道旁古松二株相抱而生蒼翠相望蓋數百年植也偶憇其下口占是詩

鐵幹扶疎老石壇千尋高出白雲端排空雷雨靈長護坼地
虬龍勢互蟠黛色對分雙嶺秀濤聲不斷四時寒撫餘梁棟
尋常事珍重行人飽眼看

寒泉樓

泉甘冽獨異潘孝廉先大夫南梧公登爲井建樓覆焉中虛數武鹿盧引泉而上以饗客

樓下靈泉清且深蕙櫨藻井晝陰陰汲來乍挽銀河轉渟處
翻疑璧月沈抱甕蛟龍看自避濫觴禽鮒晚難侵君家世澤
同茲遠一漱常令洗我心

賓陽館席上同張魯方伯闡方履中送沈士範還宛陵
相值更相歡蘭燈促夜寒舉頭見秋鴈歸思滿江干酒態予
仍放詞名爾自寬西來一片色擬作敬亭看

寄武寧盧秀才立字二首

大學士張位新建人

不見修江客愁思若萬千才名傾上國壯氣壓先賢傲骨誠
如此乾坤必共傳西山落日處望斷好風煙
老伯歸舟日金風拂面時尙傳吾子好因寄五言詩古道伊
誰問窮愁只自知何當得意候慰我遠相思

按立字諱由跡與洪陽善洪陽舟泊饒州見其父病載之
歸寄以此詩

修江雪舫八首

邑副貢林維翰康侯

遊子多歸思孤舟與雪行帆馳千里浪江曲九迴情斷岸寒

武寧縣志

卷四十二

藝文近體

十五

八百十六
四百八十五

猿泣疎林宿鳥驚故鄉何處是流水渺然聲
到來修水月猶帶五湖煙山水元同調鄉心各異天敞廬原
不遠遊子竟無眠寂寂行裝薄扁舟一葉旋
宿棹凌晨發天澄雪意微水明冰共照花出絮齊飛素浪轉
帆疾蒼林度鳥稀帘招柔櫓外取酒敵寒威
夜靜灘聲厲三碕水急流篙師驚破石雪影射雙眸縱飲難
爲醉放歌不解愁故園圖畫裏落月滿歸舟
朔風連夜急觸目感多情不寐天難曙通宵眼獨明雪連修
水白人盡故鄉聲莫問篷艙客窮途一瘦生
釣雪修江上吾心不在魚水雲時淡淡蘆雁故徐徐百感從
波遠千山入目虛故人如有意載酒到吾爐
魚刁亦疾急與雪載風馳帆轉蒼山沒櫓開皓岸移鳥聲啼

不住舟影蕩將迷知是故園近乍聞新水疑
巒岼一峯出迎予海上桴應知文暢宅不譴北山逋遊覽何
年遍卷舒與世殊柳公遺榻在嘯傲得眞吾

拜余柳溪夫子墓

十里青山暗數行老泪傾東風如可托吹向芙蓉城

遊獅子嵯紀勝

五排

張世泰

清江人

盤磴陟叢林縱身出紫岑佛澄水月相梵振海潮音巖石封
龍藏河沙布路金煙含城樹遠色送野田侵斜日松爲幕長
江練作襟臺凌碧落迴座隱白雲沈高士餘清興山僧自古
心鳥迷千嶂晚秋入一潭深佳話隨人得香醪帶茗斟勝遊
端莫負采筆爲追尋

和獅崖韻

撫州教授盛宗齡

邑人

武寧縣志

卷四十二

藝文近體

十六

八百十七
四百四十五

獅崖開幻閣鷲嶺俯危岑護法龍蹲踞談經鳥解音點頭常
聚石散地自多金知是諸天妙不爲野馬侵水光盪日影禪
寂豁春襟載酒憑賢聖浮鷗任淺深登臨謝眺意隨順梵王
心佳句千花雨遊情一曲琴相將趺跏坐似有醍醐斟狂興
猶難盡振衣獨遠尋

過磨盤嶺宿寺題

辛苦度危嶺巒岼石磴斜路疑天上近雲入望中賒禪性空
庭柏民情滿縣花風塵慚越俎

時予自松陽解組歸里

駐足問桑麻

柳渾精舍同弟振宇分韻

盧由跡

邑人立字

湧翠亭邊荒草沒讀書崑下白雲飛我來正值三秋晚空向
庭前憶落暉

贈別余長祚還武寧

朱多炆

南昌人

一片西風布帽寒孤鴻夜度白雲端夢尋玉枕山前路明月
明宵兩地看

謁九宮

通判 王近偉

吳楚東南勝仙踪寄上峰瀑流千頃雪雲際一聲鐘古木巢
元鶴懸崖俯怪松何當脫塵罟長傍紫霞宮

九宮山

參政 吳國倫興州人

拄杖尋眞去漸遙彤雲片片起山腰金函隱約朱陵闕貝闕
氤氳絳節朝古藪平封雙劍石懸泉直瀉萬山橋關門喜過
黃冠子指點仙宮在碧霄

獨躡飛巖御八風逍遙萬里一冥鴻神仙樓閣虛無裏吳楚
山川指顧中間道欲窮三景秘棲元聊借九靈宮眞師白日
騎雲去天上人間咫尺通

武寧縣志

卷四十二

藝文近體

十七

八百十八
四百〇五字

積翠凌霄俯四荒故宮營自晉安王名山終古留眞氣羽客
何年返帝鄉黃鶴似迎芝蓋轉綠雲偏映葢珠光總知人世
如棋局那得逢仙七日忘

同阮在田宿九一宮夜談

共有登高興招携九日來草荒迷藥井雲淨出丹臺遶檻羣
峯暝衝星古觀開授眞人不見終夜坐銜盃
入山尋阮肇採藥遇胡麻豈卽天台路聊過羽士家老餘仙
骨健狂益酒懷賒一枕黃粱夢浮生總未涯

九宮山雜詠

給事 孟養浩

老龍潭

深潭夜夜有龍吟龍去潭空一鑑沉鐘磬數聲雲外度怕驚
風雨抱虛林

怪松坡

怪松坡上有松無虛憶當年五大夫華表月明歸鶴夜繞枝
空自笑啼烏

試劍石

仙人劍氣五雲端一擊誰云裂石難想有昆吾留巨壑龍光
猶射斗牛寒

獅子崖

嶙峋巨石擁朝曛隱隱獅王度碧雲仙子非關騎不去欲留
神物鎮妖氛

噴雪崖

匹練誰將萬仞端紛紛冰雪落層巒松濤一壑清相映虎豹
猶驚六月寒

武寧縣志

卷四十二

藝文近體

十八

八百十九
三百十七字

雲關

鳥道紆迴一徑開元關駐足暫徘徊烟霞萬壑平凝睇縹緲
疑從碧漢來

留別余處士明吾

湯良山
青田人

鴈蕩山頭處士家偶携筇杖到天涯秋風野服鄉心遠凍雨
寒雲客路賒湖海十年空浪迹蓬萊千里欲尋槎扁舟此去
如相憶七十峯前一徑斜

過桃樹港寺

葉來昌

寒風獵獵歲將徂葉落千山樹影疎竹徑斜穿通梵刹茶鐺
新沸對圍爐聽殘僧磬聲淒切叅透禪機意有無回首夕陽
高嶂外臨溪三笑倩誰圖

寄余柳溪夫子

孫爾弓
子邑張人

秋風颯颯意如何才士于今潦倒多寄語吾師歸及早還將
詩酒付山阿

蕃昌縣除夕偶憶家園得詩二首

劉漢昌 邑人

兀坐東風裏始知春日遲椒觴寒暑夢爆竹異鄉思歲改憐
分刻家遙念本支一官匏繫久媿讀鵲鴿詩

堪歎人駒隙歡虞不一端家浮千里外歲僅片時殘薇省春
先動棠陰臘不寒殷勤酬柏酒莫解泪闌干

董物生以所作秋聲稿見貽賦謝

余士清 邑人

衡門不待鶴書來石隱終身卧草萊天地隨時供蠹簡風塵
伏櫪老龍媒百年懷抱傷吾拙九辨悲歌羨汝才如此秋聲
吹萬里看君獨步柏梁臺

國朝

武寧縣志

卷四十二

藝文近體

十九

八百一十四

歸楊田

盧全耀 邑人

秋風落葉萬山空歲歲飄零客夢中故里尙留茅屋在何妨
人笑白頭翁

送朱士先還豫寧

周亮工 浚園水

司理盧公圖龍以予累死於都門士先扶其柩回

盧公正氣傾南北朱子交情重死生豈意斯人爲我累獨憐
好友載棺行風波到眼江天暮雨雪環軀去住輕春水布帆
遙悵望義聲吹滿豫章城

雨中過朱家山

邑令 馮其世

遠峯難竟度寒雨下霏霏幽穴猿心善深林鳥語微風高蕩
馬首石濕沾人衣宛轉羊腸道紛紛木葉飛

丫髻山

縹緲烟鬟何世妝
年年春樹散芬芳
桃花朵朵添紅淚
蕙草莖莖帶晚香
雙綰青絲天半出
獨懸皓月夜中望
有風莫向鄱湖去
大小姑山日夜忙

馬脊山

翰林 盧 高興 州人

山脊開奇險
橫空駕石梁
崖尖禽影斷
磴曲馬蹄強
一水澄秋練
千峰矗曉霜
殷勤詢故國
吳楚正分疆

遊太平山次東民公韻

盛際斯

秋風送我層雲上
歷歷晴巒景自空
嘒蠟欲摩星斗亂
清虛畧與滄瀛同
鉛爐種盡蒼苔冷
石室仙存宿霧封
此夜月明松色好
危崖兀坐數諸峯

柳山次東民公韻

躡屐酣搜柳壁奇
烟光憔悴暮春時
書臺縹緲儲雲富
僧寺幽深得月遲
山鳥嚙嚙鳴古瑟
林風習習韻新詩
我來欲襲仙人蹟
聞道龍巖有赤芝

武寧縣志

卷四十二

藝文近體

二十

八百二十一
四百四十四

秋日過獅崖四首

邑令 金之桂 閩山 松軒

霽色晴郊遶翠微
層巒古樹隱秋暉
過橋細草隨溪轉
出岫閒雲入野飛
寺近東巖鐘磬靜
城連南浦水烟圍
山深幾度忘酬酢
時有禪心叩竹扉
四面山光附郭幽
凌空一柱插雲浮
靈源悉出臨千澗
孤嶂平分鎖萬邱
竹外殘霞穿古徑
臺前疎雨送行舟
安禪寂莫秋聲冷
竚看寒濤靜碧流
憑虛小閣上方來
怪石初分烟霧開
亂樹飛紅霜後葉
蒼巖積翠雨中苔
躋攀不碍攜琴至
杖履還期放鶴回
柳子峰高青入眼
獨憐山色少塵埃

參差綠竹映清坡路轉閒亭挂薜蘿曲磴朝陰松滿嶺空潭
日影水澄波烹茶偶話山僧偈鼓柅閒聽漁父歌嘯咏林巒
饒逸興詩情又載勝遊過

巾口寺感懷二首

汪瀾邑人

著書安所用哦句益自悲明月上修竹冷風吹破籬家貧遭
怪水被裂恨嬌兒夜盡嚴霜結江頭木落時
古寺罷鳴鐘人間睡正濃鑽研如一蠹緱蒯剩雙龍僧房無
佛法蟻國盡矣封思就黃冠客鬪苓尋老松

看鶴橋

仙人常至此白鶴有遺音過峽龍留氣穿城水有心臨溪聞
搗練倚樹聽鳴琴山邑多賢宰沿隄花露深

修江舟中同余山翁盧眉士賦

胡文衡邑人

武寧縣志

卷四十二

藝文近體

二十一

八百三十一
四百二十九

修水寒日暮野梅帶雪開篷牕一夜酒天地百年才江氣依
雲靜山風送雨來莫愁仙路遠人世有蓬萊

舟次巾口答胡掌南前輩

余文梓邑人
山翁

杯酒同茲夕寒泉凍未開乾坤留我醉騷雅定誰才漁火空
明滅江風自去來扁舟此一宿豪氣轟蓬萊

過橋頭寺

蕭露瀼

何處留鐘磬尋幽到石津閒廊通鳥語遠浦度漁人露冷蒼
苔古風梳柿葉新澄波流不去心與白雲親

遊溇濟寺

一望盡寥廓奇觀近水多松濤空匄芻梵影倒婆娑牧笛橫
天籟漁烟起棹歌莫嫌登眺晚新月到銀河

獅崖和大尹金松軒韻

斜穿曲徑入清微倚石豪吟盼遠暉好月有情聯榻坐嬾雲
無意出山飛水光未改花千箇竹色依然翠四圍只望遠村
烟欲亂牧童隱隱叩柴扉

尋到巖端結構幽乾坤縹緲瑞烟浮靈源點滴歸秋浪敗葉
飛空入上游八達窻開延素月一聲鐘下駐虛舟數來此地
非棲寂笑挹青峰散酒籌

層閣岩堯信步來一時眼界爲誰開點頭許我冠投石踏足
隨人屐印苔燕子崑前霞氣散龍潭石上暮猿回箇中尙有
晶明宇辨得些須不惹埃

晴嵐徃復宿羣坡四面巖崖挂薜蘿深谷儘能容我輩白頭
何事涉危波高吟此處多詩債款乃頻來聽棹歌五十年前
歸一夢同儕憶取舊相過

武寧縣志

卷四十二

藝文近體

二十二

八百三十三
四百四十四

柳山

洪文機
邑人
抑菴

柳翠千年在徃來惟白雲大江明有影衆岫遠爲羣字石荒
苔没書臺冷澗分平生多古意憑弔獨殷勤

獅崖和盛于埜韻

鬼斧自誰闢危崖落半空苔生怪石碧日落遠山紅鳳翅空
搖浪柳橋暗度風最憐江上客漂泊夜西東
沿江經石磴縹緲入遙峯漸覺塵心遠偏滋野興濃斷雲歸
峯嶺冷露滴芙蓉不盡涼秋意空門響暮鐘

過雙嶠山洞門

洞門深處隱朝暉泉動雷聲落四圍崖樹根攢危石瘦澗毛
翠滴野雲肥踏穿屐齒遲遲上驚起山禽故故飛一路清風
攜滿袖送人直到釣魚磯

龍潭石和水賓韻

一江秋水碧鱗鱗，巨石崢嶸氣不馴。
苔蘚盡侵長日翠，烟波不改舊時新。
蕭蕭古篆半明滅，漠漠遠山誰主賓。
只看諸公留好句，不教幽討愧前人。

半月堂

闢得蒿萊構小堂，數株楊柳護垣牆。
室藏晉草裝潢舊，架插班書蠹粉香。
市遠未須愁酒債，鄰多能許共蠶桑。
夜深一榻寒雲在，和月移來坐小廊。

雲蓋山

宋岳忠武誅李成過此有祠

盧宏勳

鼎邑丞人

如此高祠詎偶然，曾經誅賊過山巔。
東風有客重相問，踏遍梅花落照前。

過盤山嘴

余文壁

邑夫人

武寧縣志

卷四十二

藝文近體

二十三

八百二十四
四百三十

我來幽谷裏，迢遞一山盤。
磴窄愁苔滑，林空怯露寒。
小橋連斷岸，峭壁下危湍。
年老爲貧累，莫嗟行路難。

遊石燕巖

翰林

李應熙

興州人

石燕盤空入，雙門接小天。
微明深見月，敞勢豁通泉。
殷壁尋遙響，分蘿出野烟。
武陵知不遠，莫返釣魚船。

溪園秋夜會飲別意和盛水賓韻

客子衣裳薄，況經千里風。
含情甘獨枕，不忍聽歸鴻。
萬事隨秋葉，吾生等斷蓬。
天涯無限恨，太息此宵中。
盛氏好兄弟，殷勤款暮齋。
念予行欲遠，不忍便分乖。
斗酒開殘夜，千金矚素懷。
與君萍水合，安得此無涯。
丈夫慎所托，奚復事浮聲。
性命暗相許，皇天正此盟。
君能恕戇直，予實寡將迎。
此道向來薄，寥寥太古情。

春風千里客奄忽逮三秋不以慕高節胡爲淹此游生無騰
化術死爲故人愁嗟汝紛紛者焉知我所憂

久與世相逐性情亦改更大都心所惡末俗以爲榮感子山
中樂增予世外情何當理片石從汝學躬耕

對酒不能飲愴然悲轉深匪予輕遠別天屬繫人心歸鴈憐
同侶慈烏爭一林去留均失意爲汝獨沈吟

昔予來茲邑與子若商參何意慙攜手淹留遂至今兒童依
我長僕馬習人心別後荒涼月伊誰共夕陰

古之訂交者相揖在班荆此事關天合由來亦不輕茅堂今
夕酒鞍馬薄朝行相看十年淚愴然此弟兄

石鏡山

陳嵩齡

方諸磨太始萬古慧光呈守黑從知白持平得至明

山體平而色黑

武寧縣志

卷四十二

藝文近體

二十四

八百二十五
四百三十二

往來頻此照妍醜自他生况復含真意塊然絕臭聲

馬岡寺

步金明府韻

張應遴

邑人

岑寂馬岡峽天晴寺亦陰山根連霧氣樹杪起潮音小坐分
茵草微吟驚宿禽晚來山更靜素月出幽林

楊浦

豫章西岸足徘徊一帶垂楊映水隈沈網相將翻細浪斷雲
時復洗浮埃新春葉密流鶯囀斜日林深倦鶴回莫謂江皋
風物寂天然圖畫浦南開

龍潭石

盛謨

十月風烟盡寒潭清我神淋漓蚪蚪字剝落核桃皴日月勞
賓主厓溪遞故新漁歌方欸乃萬石自嶙峋

石燕巖

堂深秋意靜乳滴簷櫺虛石劍存陰壁烟禽宿奧厨崖空時
漏月龕密可藏書屏迹平生意移琴就汝居

暮春攜羅穆高懿羅吉焜遊黃婆洞

宿昔經心地追遊及暮春石門深鎖鑰鬼斧費精神回首艱
難夢半生樵悴人諸君來對月看取肺肝新

同余比部騰蛟熊太史爲霖季弟樂門人張任遊獅崖

分賦

寒獅影不定白日蕩虛空人與漁舟遠潭浮柿葉紅斷垣堪
病佛絕壁有飛鴻幾度憑欄意悠悠直向東
好友連清袂翛然亂石叢門依枯蔦澁磴入碧苔濃宿漲延
新淑懶雲戀故峯爲誰歸意緩貪看數株松

雨夜偕余螭治邑乘

武寧縣志

卷四十二

藝文近體

二十五

八百二十六
四百五十

艾國長如此桃花幾度春稽留山水鑰寂寞古今人燈蕊延
深壁雞聲及遠津遙憐千載後風雨與誰親

過鄭山人草堂廢址

呂昌言

芳草萋萋百鳥喧千秋悵望此林園空留廢塚多殘字唯見
頽垣没斷痕秋水滿江飛白露女蘿挂壁暗黃昏嚴陽幻雪
今何在清影龍潭塔獨存

過方雁里先生墓

停輿獨自踏荒榛石馬蕭蕭傍石人老樹骨存千載鐵遺碑
字没數行塵年年鶴唳清秋月夜夜烏啼玉淑春望到夕陽
紅盡候倏驚濃露濺衣巾

桃源奇石

在薄刀嶺下與建昌接壤有合掌
石碁盤石葫蘆石眠犬石轎石

雲根幻出陸離天日映桃源草木妍醉眼摩挲驚欲絕何須

醒酒問平泉

我來幽壑見奇文怪石玲瓏幾片雲可惜袖中藏不得幾回
搔首立斜曛

橫塘寺二首

余騰蛟

獨愛橫塘寺盤空入翠微寒雲穿石罅亂竹隱山扉野碓舂
烟冷孤鴻帶雪飛疎鐘乘暮發木末一僧歸
何年闢此境鑿險出清幽一逕盤雲脚千峰入暮樓佛燈空
外靜魚磬暗中流歸路邨烟裏落月滿荒洲

修江送別李太史屯菴還富川

送子大江上滔滔江水寒征衣連夜雨羸馬向長安到處黃
金貴由來我輩難深知宦情冷相贈以秋蘭

雨中盛五水賓熊大鶴嶠過存吾園

武寧縣志

卷四十二

藝文近體

二十六

八百二十七
四百正字

濕草延山路松濤洗石門有風吹好友冒雨入荒園池鯉方
驚夢秋花欲滿尊高譚夜正永聊以息遊魂
荒齋寒夜坐雁唳滿高原雨氣橫天末秋聲度草垣簾前杯
酒熱燈下笑言溫莫謂聯床易新詩且細論

遊石燕崑

鳥道通靈境微茫一線天岳藏太始雪穴注古仙泉曲竇開
清籟重關入暮烟披蘿出絕頂髣髴見漁船

遊獅子崖分賦

懸崖壁立俯江流看我凌虛眺暮秋水湧晴波開夕照山凝
黛色上高樓荒涼石逕苔痕老飄泊閒雲雁字浮惆悵倚欄
無限意蕭蕭殘月下扁舟

歸延薰別業

流水西來玉一灣柴門隱隱對南山青楓十丈扶雲起白鷺
雙飛共我閒風雨窮愁空且暮天涯閱歷幾辛艱故園鷄犬
猶相識簷外低徊去復還

修江晚渡

盛樂

短楫喧南渡孤亭已半陰落霞從水遠暮氣與秋深野岫生
新月哀林會衆音扁舟來往便勞我到如今

寄題燕子巖次李屯菴韻

癸亥冬屯菴遊燕子巖賦詩手書一牋寄予留雪屢歲巖石奇詭當得季子以高絕之韻狀之予負疴屢歲不得一往頃授菴鶴嶠聯袂入崑各次原韻一首走使索予同作巖畔主人刻石予念屯菴下世墓草

五綠矣余熊二君續茲韻事潦倒一病夫惘然彌日昔之感營營于懷西望雲樹強附一詩
想得最幽處虛明墜小天老雲低宿燕凍雨怒翻泉世外空
塵鞅爐中自碧烟故人遺墨在珍重米家船

武寧縣志

卷四十二

藝文近體

二十七

八百二十八
四百七十八

賓竹堂雨中會飲和余比部薺菴韻

一逕隨衰柳黃昏雨到門主人正高會佳客滿亭園健筆蕉
抽葉雄談酒倒尊病夫愁夜永帶索動秋魂

建溪喜晴

乾鵲聲驚四埜譁曉來躡屐過鄰家一峯雨歇雲生白幾處
天高日散華小犢蹄輕耕活土新禽翮健撲殘花樵歌已向
平橋度好理藤床焙早茶

龍潭石

參差石勢裂魚鱗橫鎖江潭氣不馴白日斜穿苔骨老洪濤
低亞漲痕新毒蛟潛處欲無窟寒雨過時疑有神試向危厓
摩古篆漏痕釵脚屬何人

陪薺菴雀嶠過鄭山人草堂故址

豐熙舊宅倚江濱野老猶知說避秦到眼烟波隨意濶沿塔
碧草至今新看來天地遠容我如此溪山不負人比部可能
眞好事誅茆便結鄭家鄰時薺莽有重構草堂之約

冬日同余薺莽熊崔嶠徐雨岑朱孺翀張月耕遊獅子

崖分賦

三年不上狻猊石今日從君豁遠眸趁雨濤聲低入岸新晴
山色靜當樓諸天半落丹楓外鐵鎖空沈古渡頭共倚危欄
貪白醉翠蘿風起野烟流

龍潭石次始祖東民公韻

石在縣西數里下爲龍潭巉峭蒼古石筍嶙峋聳立
數丈黃涪翁篆龍潭清影四字刻石上至今猶存其
彷彿云

武寧縣志

卷四十二

藝文近體

二十八

八百二十九
四百正字

老石橫蹲烟渚頭江濤出入禹門秋砢砢寒壁折遺篆淅淅
悲風續舊愁

霜氣平凝斷碣頭水宮蕭瑟白蛟秋當年魯直頽眠處喬浪
長流醒後愁

新詩墨篆綴繩頭浪送沙迎春復秋水月廢亭唯綠草先公
去後幾人愁石上舊有亭日水月亭

默默深雲襲隴頭餘明倒落一江秋頻凌石筍最高處坐見
東西南北愁

猖波疊觸腐髑頭白草離離破塚秋零魄千年歸水國懸知
沒世亦多愁
空遺幻跡白瀾頭雨蝕烟侵六百秋窮石于予三寄慨風吹
不盡古今愁

山棚鼓子詞

楚人來寧墾山者歲以千計絕巘層崖雞犬聲相應
火耕旱種百鋤並出每數十人爲隊其長腰鼓節歌
以一勤惰甲子春予從伯兄遊大原洞遍歷諸峯緣
梯度索四宿山棚畧得梗概雜叙成句曰鼓子詞付
諸山農俾歌所事

倚石堆柴結短門千峰萬壑散雞豚可憐人滿無耕處掘盡
山頭枯樹根

風掃長嵐雨脚疏春星曉動百家鋤楚歌處處吹楊柳打鼓
高陵種玉蘆

亦披簑笠號田家耒耜無勞稻有花谷裏生兒谷裏養南山
菽粟北山茶

武寧縣志

卷四十二

藝文近體

二十九

八百三十一
三百六十五

潏潏澗水落高林劃斷雲根萬丈深路轉幽岑知幾許兩峰
相對說晴陰

小婦擔茶上翠微峰峰路險記依稀不知春色來何處亂插
紅鴉破雨歸

斬木剗心作浴盆編茅成薦定奇温終年飲啄同山鳥爲買
長鑱出遠村

林莽焚餘變秫秈梯幢夜半有人行祇今何處可安枕試聽
空山擊斫聲

大豆黃粱取次登山棚夜飲劈雞膺筠籠新壓玉蘆酒松火
高燒四照燈

積雪嵯峨十八盤閉門枯坐煑菽團地爐明火連昏旦兒女
無衣不道寒

隨灣逐澗跡飄蓬絕嶺年年怨朔風山食山居多苦趣喜無
胥吏到山中

伊山

潘淳輝邑山人

幽居歷落傍山阿樹繞長村引薜蘿鐘磬無聞僧寺遠巉巖
深處白雲多穿崖古木橫空立躡屐遊人載酒過只看龍鰍
飛五月洞中風雨接天河

觀音閣

嗟峨傑閣逼諸天一逕紆回繞翠巔灘送濤聲奔渡口山迎
春色到樓前晨鐘屢醒幽人夢梵語頻通過客船獨倚狻猊
貪眺望竹西風起亂殘烟

遊龍潭崖

翰林
熊爲霖新建人

半壁江天峭龍湫獨有神潭空沈鬣影石老裂磬皴鳥蹟摩
武寧縣志 卷四十二 藝文近體 三十
崖古雲根入畫新徘徊歸未得愛此碧嶙峋

澧溪夜泊

澧溪霜月影待我及元冬遠浦陳漁火寒山隔寺鐘萍浮天
夢澗埜泊暮烟重人語環風樹誰家正晚春

魯溪

劉祖陶邑人
月堂

泉疏一脈老龍湫十里寒烟到洞頭怪石參差爭變幻高峰
迤邐互綢繆雲蒸絕壑天光隱雨過幽巖樹影浮筇杖探奇
探不盡夕陽歸去夢仍留

橫塘寺

羅任俊邑人
英人

古剎何年築此山元鐘幽磬隱林間巖泉濺竹飛簷細石洞
眠雲入戶閒老柏森森藏睡鶴回廊夜夜宿雙鷗我來鞍屨
探仙蹟唯見松梢衲子還寺前有鞍屨山

遊石燕巖步李太史屯菴韻

謝鳴謙

南豐愧于

何處爲仙宅如今到洞天有靈皆幻石無際已通泉細草深
含翠飛崖淺帶烟感君猶古道擬向泊珠船

南亭晚眺

宜黃訓導

盛鍾靈

邑人潔文

孤亭橫石渚古意已蒼涼岸遠人烟積川平客棹將千村藏
暮色百里漾風光只看飛鴻過秋聲滿夕陽

巾口暮泊

余

螭邑人映瀾

村咽漠漠水悠悠古渡漁歌何處洲幾樹楊花殘客夢半天
風雨滯行舟岸回馬首陰雲合石轉羊腸白浪浮僧磬數聲
空外發佛燈明滅大江流

修江晚發

淼淼晴江趁晚風蒲帆數幅夕陽中草分曲岸參差綠花到

武寧縣志

卷四十二

藝文近體

三十一

八百三十一
四百〇六

春山縱橫紅飛絮堤邊鳴百舌斷雲峯外唳孤鴻連年此日
鄉關別穩枕烟波客夢同

楊田卽景

日暮山頭下遠樵高林落葉自蕭蕭鴈行飄薄知何處惆悵
深溪度板橋

獅崖閣

楊

匣南昌子載

野興尋孤寺頽垣但宿鴉人稀芳草合石峻古藤斜山縣春
宜早江帆雨漸遮坐觀樓百尺三面種新茶

龍棲寺

盧

霖

松竹鬱層翠散懷此獨幽穿林三徑冷出寺片雲浮簾捲吳
峯月水涵灑井秋龍飛知已久佇看大江流

釣磯

在沙灣迴溪處先生垂釣

余見龍

邑人淡溪

銅崖高百尺一石踞寒波潭水清如此漁竿奈汝何昔人曾
坐釣隔世尙悲歌柳岬溪聲暮扁舟載月過

橫塘寺

汪 軻邑人
輦輦雲

嶺盡一塘橫山僧日自耕雲心孤寺老石骨冷泉鳴有鳥停
高木無人却世名斷橋延遠望寒逐夕陽行

涇灘

白日無停蓄江聲欲破隄浪飛生雨雪山吼出雲蜨舟落高
峯下人招古岸西平沙多宿鷺野樹一猿啼

留雪樓看秋

氣候茲辰變風吹昨夜秋水聲橫廣漢山色滿高樓天地煩
人意古今費客愁茫茫何可托萬里一鷗浮

登山臨水亭落成

邑令 萬友正

武寧縣志

卷四十二

藝文近體

三十二

八百三十三
四百二十一

石磴盤空構此亭長江砥柱矗雲屏城連遠渚沙潨白水隔
芳洲樹繞青座上獨當風送善樽前更慰雨爲靈三山自有
神鰲載咫尺誰圖海上形

重新獅崖亭九秋公讌詩有引

邑令 石讚韶

獅崖觀音閣武邑關鍵也前令萬公作亭其上更植
橙柳東郊以培氣勢閱今二十餘載林木森然而亭
將就圯余葺而新之因九日宴集漫賦長句

琴鶴相隨憶勝遊新亭詩酒大江秋綠楊堤外青山寺紅葉
林邊白鷺洲喜得天工瞻氣象多緣人事繼風流高懷此日
憑欄客擬向雲霄結鳳樓

石鑊洞得雨

乙巳夏五月大旱祈禱未應與都閩張雲鶴廣文羅

啟華職員張居桂費生冠武徒步出郭數十里禱於
石鑊洞果沛甘霖因賦長句

四郊火熾若焚膏荒畝無從下桔槔曾矢怨咨猶已溺敢辭
跋涉任民勞靈岩信石祈今日錯壤生機藉此遭果爾雲霓
施德沛倉箱依舊樂陶陶

和石明府獅崖亭九秋公讌原韻 教諭 羅啟華

從來名勝紀芳遊賓主言歡九日秋檻外烟雲閒野渡閣中
圖畫點新洲偏宜柳筆凌霄出最喜修波繞郭流遺愛甘棠
千載蔭長歌一曲共登樓

新楓寺 熊翰

皎皎泉中石波濤饗萬岑秋聲不可聽禪悅故能深濕葉留
花影霜林冷梵音空山雲欲定遲我十年心

武寧縣志 卷四十二 藝文近體 三十三 八百三十四
四百一十

晚過馬岡峽寺 盛世麟 邑人
涼人

窮秋霜欲墜木末一天寒地僻禪心靜山深鳥夢闌懶雲依
古佛新月上層巒偶聽幽鐘發蒼然暮色殘

鼉鼓潭

潭空隱隱夜鳴鼉二十年來種稻禾莫怪海田多幻變紅顏
白髮可如何

登獅崖 分宜
教諭 洪詔 邑人
鳳銜

江頭巨石逼層霄高閣嵯峨隱寂寥一葉扁舟天際遠數聲
魚磬峽中遙臨秋野樹枝低亞映日波光影動搖環武皆山
供指顧撥雲歸去路迢迢

玉清宮 盛朝麟 邑人
右梁

山僻元門靜石床滿綠苔桄榔藤欲合鐘磬鳥相猜曲澗疑

雲護深籬對月開諸仙嘗集此早已出塵來

登獅崖分賦

最喜獅崖峭能清野客神石毛生晚翠山脚下平津梵刹更
今古流雲遞故新人歸斜照裏想見碧嶙峋

黃婆洞

李斐邑人

危崖臨絕壑瀑雪瀉晴空魚泛一潭碧花留半嶺紅淺池流
月出幽石與雲通獨坐晶簾外披襟對好風洞有流月
池水晶簾

宿頭陀寺

余世紳邑人

偶宿頭陀寺佛燈向晚紅半龕虛夜壑一榻冷秋風倦鳥歸
林曲飛濤入岫東十年懷遠夢飄泊此山中

宿藍關寺

陳濤海昌

鳥道層巒歷幾重北宗南頓與僧逢九枝燈照三千界萬朵

武寧縣志

卷四十二

藝文近體

三十四

八百三十五
四百二十五

峰圍百八鐘旅舍掃除師郭泰濁醪引滿為茅容招提饒有
伊蒲饌一頃山田自力農

志局月下呈楊水園盛熙堂二孝廉邑歲

盧金鏡秋水

天憐艾子國人纂豫章書兩度從茲役同心戒覆車山川圖
畫裏風雅嘯歌餘皎月深相照灑然一鑑虛

月下過看鶴亭

新亭月色枕流開蠟屐從容看幾回自覺千秋人在抱何知
一鶴夜飛來神仙偶作風騷語壇席應將偽體裁賸得閒身
恣詠眺誰云天地不憐才

賓陽岡旅夜述懷

銀漢空聞接鳳城閒身安用惜浮名山川有力生人好天地
無心與物平一日風騷千古在三更月露萬緣清良朋倘亦

懷秋水翹首塔墀聽雁鳴

中潢卽景

春入江村陰雨多山橫餘潤自嵯峨參天古木分青靄夾鏡
平池貯綠波沙岸烟搖漁艇出楊林風送客帆過離騷讀罷
還傾聽好鳥聲聲喚插禾

秋日過澧水望羅峰劍山有感

邑舉人 楊光斗 水園

百尺羅峯面十年谷涵劍氣水涵天雲巢鶴夢松梢月鍊釜
泉鳴石上絃如此秋光留客趣不知山色爲誰妍建溪許我
結茅屋簑笠灘頭坐釣船

登柳山作

江干曉望翠雲臺萬疊芙蓉天際開石磴盤空橫樹杪竹林
人共鳥飛來

武寧縣志

卷四十二

藝文近體

三十五

八百三十六
四百〇四

遊柳山寺

邑舉人 盛元績 蒼霖

野色兼秋淨凭高望遠天石龕飛爨火崖樹接峰烟半榻清
鐘迥疎籬夕照懸斷碑題甲子花落不知年

過東郊馬守府墓

荒郊慘淡捲殘虹數尺頽碑晚照中父老掀鬚談往事後生
屈膝拜英風山城此日妖氛淨白寇當年血戰空若使無讒
功幸錄不留遺恨泣孤忠

九日同盛碧秋紉芳蒼霖登西城作

御史 鄒玉藻 奉新

萬戶村烟合登臨一望收飛帆連屋角匹練挂牆頭岸澗天
無際花香菊有秋山亭如可結再訪魏公遊

宋韓魏公訪葉
顧言至武寧有

四望亭詩

過頭陀寺

余光廷 汀邑人

蘭若山腰在天然世外幽雲堆三徑雪泉瀉一痕秋密竹兼
松老疏鐘與梵流佛燈長不滅照破幾人愁

石門寺

羅穆邑人
睡泉

蕭蕭古寺鎖空山曾有真人宿此間石臺雙厓如欲合門通
一徑未嘗關平林月到生虛白絕巘雲深結翠鬢日暮禪堂
僧入定青峰鬱鬱水潺潺

夜過破石潭

盧廷亮邑人
雪香

片石留奇處揚帆走二更風迴星影亂月上水痕明岍火歸
漁艇江雲入雁聲蒼茫尊酒意獨坐與誰評

靖公崖

橫控羣山勢奇崖裂鬼工路隨三峽轉水劃一原通雪瀑飛
寒練松濤送晚風樵歌何處起縹緲白雲中

武寧縣志

卷四十二

藝文近體

三十六

八百三十七
四百一十

登觀風山

余鳴珂邑人
讓麓

不辭山路險乘興到雲端野濶鴻聲遠風高日色寒羣峯爭
揖讓怪石自盤桓嵐翠兼村景偏宜入暮看

遊叢雲洞

深洞何年闢春從絕磴回水流青嶂合犬吠白雲開峭石如
人立飛泉瞰壁來板橋新月上遙望最高臺

石鏡寺

不假陶鎔力瑩然照古今石泉飛樹杪禪磬落山陰壁斷雲
常合庭空草自深我來心已遠小坐散幽襟

遊靖公菴

陳日新

廢剎藏幽壑山空石磴遐陰厓荒古佛流水蕩殘霞磬歇涼
風定禽飛落照斜爐烟知已斷門閉一籬花

柳山讀書臺

張廷試

白日最幽處書臺碧草新空山落舊葉逸井蕩游塵麋鹿從
雲遠牧樵向我親此間泉石好誰復問迷津

石鑊洞

熊鎮瀾邑人
水冶

層巒疊翠矗芙蓉仙洞林翳秘勝踪四石澄淵疑鬼斧靈泉
飛瀑隱神蹤巖花半落幽箐冷鍊壁全欹古蘚封峽口年年
翻急浪溪山深處白雲濃

建溪

清暉延古道寂寞此經過空谷蘭香靜新田春水多寒烟通
碧澗遠岫泛微波獨立青松下蕭然發浩歌

遊水文岳

寒雲鎖曲竇穿窈若難窮應是神工幻乃由仙竅通晶簾終

武寧縣志

卷四十二

藝文近體

三十七

八百三十八
三百九十六

不捲壁鯉自旋空人到崑深處冷然欲御風

石壁有
鯉魚

遊靖公崖

余世蓀

巖嶮聳雲端縣空瞰激湍當年曾設險無日不風寒怪石迎
人立飛泉隔樹看捫蘿登絕巘莫令夕陽殘

觀音崖

一徑隨峯轉崎嶇未肯平危濤傾石壁絕壑隱秋聲磴窄猿
爭度厓頽樹倒生披茸尋小竇烟火隔溪明

獅崖秋望

盛樵

獅崖一望萬山空石壁龍嵒瞰水中十里寒潭清落日千年
古剎靜秋風暮鐘敲斷悲蟬響曉籟驚看墜葉紅多病自然
愁寂寞不堪憔悴對飛蓬

太平山雜詠

六首

千崑萬壑鎖雲關老鶴無驚夢亦閒延頸向誰獨嘹唳白雲

明月滿空山

鶴山

誰道神仙不可親天孫牛女亦憐人乘槎倘復通銀漢謾向

君平去問津

枯槎溪

碧潭西望石船流欲載雲旗作遠遊秋水那能通涸澤枯槎

相對日悠悠

石船山

採藥歸來只自燒石人長此避塵囂高明亭上秋風勁吹入

寒巖更寂寥

石人洞

石磴雲封屐齒齩少年却步老如何長途盡日人無限惟有

三仙得此坡

三仙坡

太平古木動參天樞社翻爲匠石憐不見榔梅空悵望爲尋

義櫟復淒然

義櫟

武寧縣志 卷四十二 藝文近體 三十八

八百三十九
四百〇七

揭公雜詠有榔梅義櫟二詩余遍歷山間竟不可得訪諸
老人無有知者因詠義櫟以誌慨後之遊者其識之

劍山晚眺

張濱

千山凝暮靄衆鳥宿疎林時倚孤峯外遙聞劍水吟邨烟飛
岸遠牧笛入雲深颯爽秋風至悠然披素襟

登南山丁仙臺

余詠
建昌人

南山巒嶠曉烟濃數畝荒苔鳥道通猿避遊人啼絕壑雁來
塞北唳高風寒花半放頽垣外勝跡全歸斷草中獨倚危厓
多感慨夕陽斜照晚山紅

石燕洞和韻

吳沄

石室多奇幻常留數尺天疎鐘滴夜雨桂子落香泉鶴夢洞
中雪猿啼月下烟漁歌時欸乃不見古人船

秋日遊柳山

葉雲

如此蔚藍天氣好半山烟樹半江風蕭蕭牧笛度林去遠勢
全收夕照中

梧桐溪

盛周

策杖臨溪水潏洄獨向西沿山分石險過澗合雲迷潭落魚
心善水流花影低九秋梧葉盡風雨夜淒淒

頭陀寺

盧宣梧

古寺荒涼斜照裏孤雲斷續暮林中山川到此生惆悵落盡
庭前一樹風

遊長墅原

余珮

峽口羣峰立危崖勢欲傾山腰屯雨氣石脚轉溪聲白晝風
常冷深林鳥自驚一登高絕處面面晚雲生

武寧縣志

卷四十二

藝文近體

三十九

八百四十一
三百六十五

遊靖公菴

馬頸崖前徑少東丈人峰外雨濛濛豈無礪草參差綠空有
岳花上下紅石裂苔侵蝌蚪字藤垂水入梵王宮雲歸邃壑
高林暗薄暮猶聞遠岫風

登觀風山

費煌

危峯天半插舉手捫雲端萬里烟光薄一山秋氣寒風吹羣
木落鳥亂夕陽殘四野生新月遊人興未闌

試劍石

峭立河干勢獨尊劃然中斷水雲屯莓苔久沒銀釵脚山谷鑄水
月雙清四字今不可跡剥落長流古劍痕十里危濤春石罅一鉤新月
照黃昏至今英魄摧人膽颯颯松風欲滿村

遊羅崑

葉期緯

斜陽不到處花葢自然生靈境誰能闢神工獨此精田空雲
欲定水落雪飛聲襟袖寒光透悠然萬慮平

崑中倒懸石
蓮數十本

訪靖上人廢址

余桂

一逕盤雲脚崎嶇越石岑未窮山水奧已入上人林臺廢花
仍爛泉寒草自深涪翁歸去後寂寞到而今

魯溪洞

劉廷璋

巖壑最幽處微茫一線通輕雲流欲定怪石半懸空畦冷時
浮雪幢翻自引風仙潭深幾許未卽到崆峒

天柱山晚眺

余榜

片殘陽落紅霄出暮雲秋蟬驚斷岸獨鳥悵離羣萬井烟
光薄幾家燈火分牛羊歸去好淅淅野風聞

石門洞

羅應權

武寧縣志

卷四十二

藝文近體

四十

八百四一
四百〇五

雲日盤幽處悠然上翠微魚穿甕口出泉傍石門飛一徑通
危棧千巖靜落暉我來春正暮清賞自忘歸

看鶴橋

盧琳

徙倚仙橋上猶聞華表歌水流魂不定花落影常過好月江
頭滿秋風木末多幾回憑眺罷有夢入南柯

鶴溪月夜

盛詠

秋風吹客至皎月上東城聚首皆知己高歌感此生溪光常
不改鶴化竟無聲斗酒當良夜蕭然寄遠情

遊叢雲洞

余世蘓

邑舉人

闢得厓中巷尋來一洞幽板橋連岸曲佛閣韻溪流石影參
差出崑光次第收從茲登眺去深與白雲遊

四望山

陳鏞

寧州人

索寞孤興蹇此間殊豁然周遭團野色廣漠匝寒烟飛鳥晴
峰外疎林落照邊無涯識妙理我意欲逃禪

遊丁令威故居

柱頭留語意仙風城郭居民盡眼中人去千年忘甲子宅餘
五畝是丁公九臯清唳常聞鶴十丈流波尙卧虹邑有看鶴

遺跡曾賦歸來無住著廣成安復坐崆峒

豫寧竹枝詞

孝廉夏之翰新建人

嶺上雲高天氣清農夫先盼立春晴今年耕較去年好聽得

三更犬吠聲諺云立春晴一日農夫不用力

窩絲雙縵戰袍長白面兒童脂粉香金鼓聲中鶯語滑碧紗

窻外月如霜俗以上元節辦馬燈幼孩抹粉裝沿村

深林喜鵲噪高枝阿妹低聲報姊知昨夜燈花重結葢行人

武寧縣志

卷四十二

藝文近體

四十一

八百四十一
五百三十字

應是到家時遠則人家在外者聞喜鵲噪或燈

夜雨濛濛倩插禾平疇一望曉風多如何秧馬倥偬日老稚

都謳情艷歌插禾時秧歌悠揚可聽然多男女相感之詞有

竹樹籠葱石徑斜春來處處放桃花遠山明滅望烟火風景

依稀似若耶山居者繞村種竹樹間以桃花

溪山深處有精肴春日攜筐採蕨苗莫道野蔬容易得穿雲

踏遍古藤橋

大田卽事

盧永

一夜黃梅雨平疇物色奢數聲新布穀百畝舊桑麻麥浪風
中急秧針水面斜東郊農務罷芳草亂鳴蛙

九日遊萬福寺

徐復

丹楓寒菊梵王秋策杖重來此地遊山色蕭條誰是主風霜

慘淡我登樓遙岑落木連雲暗斷岍殘虹和雨收
萸酒僧齋能醉客疎鐘幾杵暮烟流

石鏡山

張問達

造物開靈照瑩然託翠岑動涵烟雨意靜見地天心好鳥時
窺影停雲欲送陰我來春正莫對此豁幽襟

遊獅厓

盛超

草堂竹徑度東城留此俊貌江上橫翠岫凝烟自揖讓危灘
趨雨空砰訇一帆風挂斜曛遠幾樹雲籠宿鳥鳴高閣終能
藏芥粒大千誰復定虛盈

石燕岳次韻

邑副 盛翼 垂雲

幻意從茲秘淵然別有天小開初滴翠深入但聞泉雙乳宿
殘雪一門通遠烟月明洲渚上疑是泛仙船

武寧縣志

卷四十二

藝文近體

四十二

八百四三
四百〇五

豫寧城晚眺

盧晶

千山突兀繞山城柳岫吳峰入眼清楊浦草深孤岸綠汙洲
花發兩江橫寒潭月照山人宅 謂鄭山人 荒塚香留列女名 謂戴氏婦
遙眺鄂王殲賊處森森古木與雲平

丁仙厓

王時淳

窮幽偶一到仙厓竹杖悠然稱雅懷石笋何年曾剝落丹臺
遲我更摩揩猿如好客披蘿望鶴爲搏風帶雨來記取入山
山路穩重遊恐爲白雲乖

秋杪上九宮

洪謙 邑人
穆懷

不盡登臨興依然九月天野蕎花散雪茅店雨籠烟問酒猶
稱菊添衣合用棉莫愁仙路遠雲繞最高巔

訪望江樓古蹟

盧廷麟

收取江流一望中溪園意興遠乘風周乘風溪園詩有客當年詩
酒層雲峻此日樓臺返照空小草生春開綠野鶯聲出谷弄
青叢瓣香敬爲先人祝安得嗣徽屬藐躬

石壁

余介

巨石臨空谷飛泉挂碧蘿谿雲迷草徑牧笛逗村歌鳥帶新
烟遠風歸老樹多南山當戶牖春色正婆娑

高泉寺觀泉

副貢 洪論

小徑通禪室流泉淨石渠霧深時澤豹波冷不生魚清入詩
人肺光分貝葉書一塵原弗染此處有眞如

淨明堂晚眺

進士 盧庭琮興國州人

一綫天開萬壑重水清石瘦白雲封何當落日銜山早偏自
催人下碧峯

武寧縣志

卷四十二

藝文近體

四十三

八百四十四
四百十四

讀邑侯鮑公定變略感賦

余廷楨

先公能殺賊鮑父果知兵濟變甘扶病攄忠苦奪情推誠鄉
勇力奮義馬侯營功烈終難掩昭如日月橫

看鶴橋月夜

欲從何處散幽襟獨立溪橋看露禽秋氣初澄風入夜水光
遙映月當心千年鶴語深相警七字詩盟信可尋學得神仙
重過此豈惟城郭繫謳吟

破石潭懷古

盧定洛

巨石臨江岸維舟落雁聲秋風人望遠夜月水痕明試劍留
仙蹟摩崖失舊名涪翁憑弔處先後共移情

秋日登武陵崖

不識登臨處誰曾到絕巔山容平揖讓水勢遠回旋古有桃

源客今無陸地仙徘徊崖石上萬里接風烟

薊田卽事

邑舉人 盛 牧 遠臯

碧流無數繞薊田水勢微茫斷復連振羽鳥齊雲外樹披簑
人立雨中烟荒洲草滿侵蘭芷幽谷春寒咽杜鵑片片桃花
江岸落漁郎好泛木蘭船

上董源觀音閣

鳥道盤旋杖策艱奇厓兀立壯天關閣藏萬疊青峰下人在
千層翠色間入戶泉聲晴作雨當樓雲影水兼山尋幽最是
平生癖欲借禪房半榻閒

梅林村

山南山北萬株花一曲孤山處士家爲愛曉春乘雪月不臨
水處亦橫斜

武寧縣志

卷四十二

藝文近體

四十四

八百四十五
四百十三

按盛牧小村人買酒獨樹鳥歸巢鋤攜楊柳逕人隔豆花
籬等句風韻雅秀想見其人搜全稿不得可惜也

遊萬福寺

余 鶴

躡屐遊山絕磴通凌空誰插玉芙蓉人離下界三千尺屋結
飛崖第一峯烟島花開天女偈石壇鳥散梵王鐘登臨別有
層樓在獨倚朱欄看萬松

登觀風山

李趣堂

特起三峯上森然列玉屏河山開面目吳楚接蒼冥野樸風
猶古崑幽石有靈 山腋石鏡寺 使君如覽勝杖屐爲誰停

巾村枕碧山

上有鄉勇七人墓

東來山勢駐巾村界斷平郊綠蔭屯夾鏡水光涵晚翠懸旌
樹色隱朝暎野驂鸞鶴仙踪去壘臺風雲戰骨存長夏陰陰

歸正好阿誰一榻臥羲軒

遊淨明堂

余光策

不到幽深處安知小洞天道人雲際立古鶴竹陰眠繞檻花
千个在山水一泉得來皆妙理何必愛逃禪

雲臺書屋故址

方 瓊

書屋今何在雲臺舊有名山空啼鳥緩木落帶烟輕五老仍
窺帙三源可濯纓故津誰肯問重見古人情

傍有五老
峯三卷源

三卷源春日

幽僻山村萬樹連春來景物盡鮮妍賣茶客渡迴風嶺驅犢
人耕活水田茅舍東籬花壓屐石橋南畔柳含烟閒遊恍惚
羲皇近疑是桃源洞裏天

下泮竹枝詞

武寧縣志

卷四十二

藝文近體

四十五

八百四十六
三百八十九

女伴招邀步水涯提筐共說采新茶夜來貯得烘籠滿處處
當壚製雪牙

一鎌腰挂度前坡粦麥收成計插禾待到雨餘塘水足桔槔
聲裏雜秧歌

日暮江船且罷橈布帆齊落泊灘腰羣呼貫取村中酒齊揭
龜壺過小橋

南渡新洲

邑歲貢 翁 蘭 晚堂

南郭臨流處新洲影漸賒地靈橫伏曜水勢抱圓沙變化原
難測滄桑詎有涯看來消息好還應似蓮花

建昌蓮花洲有
出狀元之識

魯溪洞

邑舉人 洪遇舉 澣青

古岸蒼烟迥長林返照低鷗任風上下石劈水東西好句凝
眸得青雲滿袖攜由來通意處多在此山溪

初夏雨後偶步西郊

盛楫

龍潭石刻半湮留雨洗江烟作此遊欲向蒼崕臨古篆且從
山寺上危樓晴光乍散高低塚爽氣新開遠近洲梅熟幾時
春尙邇歸途一曲興悠悠

晚過三賢墩

張鳳英

我愛林巒好三賢過化同水流深樹裏人立暮烟中小逕山
茶綠疎籬木槿紅瓣香情未已一曲企清風

遊薊田慈善堂

蕭蕭古寺曉烟圍有客尋芳到翠微紫竹小村沽酒市綠楊
深渚釣魚磯春花爛熳當軒發野鳥參差逐隊飛此去雲臺
曾不遠明進士方鴈里讀書處何時下榻閉柴扉

尊經閣

盧表

武寧縣志

卷四十二

藝文近體

四十六

八百四十七
四百二十五

開閣窮幽邈因思大雅存勢收山水勝名倚聖賢尊汲古非
無綆尋真故有源六經誰註腳好與細推論

登吳王峰

吳王名得擅高峰馬鬣荒唐是舊踪霸氣全消瓜圃在仙人
不見石芝封平臨秋色齊飛雁遠撫雲濤引怪松偶爾放懷
千尺上憑誰點綴萬芙蓉

過獅崖集杜

邑舉人 洪崖象眉

所向無空濶兵房曹胡馬華亭入翠微重題東亭遠鷗浮水靜春歸蒼隼

護巢歸題鄭氏亭野日荒荒白漫成悲風稍稍飛秋笛我行何到此水宿

永息漢陰機登舟

柳貞公祠

葉世春

巔巖峰頭四望空等閒身與坐禪同書臺洗盡三秋雨古樹

吹殘一夜風石磴參差苔自鏤洞門冷落鳥常通昔人舊宅
今何在衰草寒烟返照中

過牛頭峽

王家猷

奇峰峭絕逼重關影落深潭勢一灣窄徑穿林人絡繹斜溪
促石水琤潺紅崖橫鎖妖氛淨鄉人嘗禦賊于此紫鹿重來羽客還
兩岸烟嵐飛不定須臾回首失層山

上登高山殘塔

潘江邑一人

巽峰修補列江千兩級浮屠一徑盤古篆臨暮苔色老孤城
指顧鏡光團鶴歸華表乘雲去鳳下東林振羽寒他日芙蓉
能削就豫寧應作畫圖看

武陵崖

余廷傑

百里芙蓉障東南半壁橫倚天連雁陣拔地聳猿聲水派三
武寧縣志 卷四十二 藝文近體 四十七 八百四十八
三百八十四
源遠鄉關一望平仙津如可問不媿武陵名

登尊經閣

盧鳴玉

高閣憑欄望悠然景物呈野雲橫谷口山雨亂江聲丹刻前
徽在步趨古道平千秋誠一意紹述費經營

遊柳山

芙蓉萬疊矗青天不是柳公亦不傳誰道後塵無住著盤空
直上踏飛烟

橫堂寺

葉當穢

亭亭古寺宿空山一路清風自往還連洞潛開香草徑燕岩
隱鎖白雲關池邊月影蟾光靜石上苔衣雀羽斑此外浮塵
都不染禪房花木日閑閑

遊橫堂寺

楊植

招提留勝跡秋晚此登臨水潤寒溪骨風疎古樹陰磬幽通
妙會岩老定禪心最是蓮花洞靈源深復深

遊永慶寺

副貢 盧翹拔

欹斜一徑夾幽篁寂寂招提午夢涼斷岸雲流詩入畫高簷
花落席飛香鷗臨埜渡淨春水人坐疎鐘到夕陽咫尺窮塵
污不得仙源何必就漁郎

雨後遊南山

葉璉

芙蓉萬疊矗雲端林壑陰陰古逕盤人到崖巔秋雨過鳥飛
天際烈風搏幾峰奇石開新景兩澗清泉漾暮寒偶爾振衣
高絕處夕陽紅樹滿闌干

雲臺書屋故址

邢蔣

荒臺曾結草堂靈伊音朋來此閉扃倒瀑自瀦雙澗碧高雲

武寧縣志

卷四十二

藝文近體

四十八

八百四十九
四百一十五

長峙五峰青風流前輩文壇在勝境阿誰蠟屐停剩欲誅茅
招好事塵緣一掃坐橫經

登東崖

羅其亨 邑人

豈是芙蓉嶂嶙嶙水際縣東南添半壁上下隔遙天山黛開
吳鏡江雲接楚烟馬公曾禦寇設伏此崖邊

頭兵事詳
見二公傳

遊南山

戴雲

屋結山南亦有年幾番登陟菊花天水流清影通茶灶風遞
幽香入酒筵古木半陰林壑靜危峰兀立斗牛懸夕陽過處
樵歌歇一帶邱墟起暮烟

頭陀寺

郡庠 盧丹 幻爐

長年眷戀此山阿荏苒韶光客裏過戶外千峯遙挂練堦前

一石半成波荒臺已恨遺踪邈古殿依然老佛多別具禪心
參莫透幾回搔首盼嵯峨

登寒泉樓望荷花池

潘運璽

誰是誅茆者芳池入眼空秋山餘落照碧水臥殘虹酒醒鴛
鴦夢詩牽菡萏風登樓思往事相對意無窮

九日同友人集飲獅崖分賦

羅若春

飄殘秋色欲迎冬又是黃花一度穠攜杖行隨石磴曲新亭
高惹午雲封詩才漫說題糕手風景難追落帽踪不盡登山
臨水興斜暉試任掛寒松

觀音閣 上董源

邑庠 盧 晷 同堂

依崖成古閣別是洞中天徑曲迷樵路山深絕俗緣簾櫳飛
落葉花雨潤寒泉爲問住持者上方不記年

武寧縣志

卷四十二

藝文近體

四十九

八百五十一
四百四十一字

遊萬福寺

羅 茗

百尺懸崖一望秋閒扶藤杖興悠悠烟消遠浦禪關迥雲宿
空山午磬幽遊屐豈緣參佛至清談還爲老僧留息機十二
危欄畔坐對長松人倚樓

暮經大橋河

邑庠 劉 拭

日落峯峯帶斷霞馬蹄逕喜踏平沙林環碧蔭依山麓石駕
長虹臥水涯捲壑烟雲迷野色橫村燈火出人家一更蕭寺
鐘聲發歸路西邊有月華

魯溪洞

盛學光

石門初捲碧雲開奧室斜穿曲曲來上下全歸新色相高低
盡結古樓臺誰揮粉筆傳神畫

苔每年相傳爲洗洞水咫尺龍潭深莫渡也從此處問津回

荷花池訪鄭山人故址

盧方晉

竹籬茅屋古詩人
菡萏鴛鴦遞故新
池畔年年春草綠
幾回瞻眺倍傷神

同劉大開屏修大河橋落成

邑庠 夏日瑚 鳳岡

東來病涉已年年
琢石成梁是夙緣
春水乍張雲壘動
彩虹長駕鍊城堅
居然灞岸堪乘馬
底事桃源必泛船
剩欲與君吟杜牧
玉簫何處月當天

悠然閣望南山

盧兆明 鎮南

危巒疊起勢崔嵬
春滿芙蓉秀色堆
翠柳遠同雲氣罨
碧桃遙共畫屏開
曾聞仙子乘風去
幾見伊人跨鶴回
有客登臨恣眺賞
天懸一瀑檻中來

瓜源口偶拈

邑庠 舒鶴慕吉

武寧縣志

卷四十二

藝文近體

五十

八百五十一
四百四十

一帶烟村傍水居
桃花峯外是吾廬
竹町柳岬閒椽在
謂汲古園

汲綆阿誰問泰初
泰水水村

汨汨源頭活水流
居人曾此厖先憂
破為家人同築 只今柴

氏洲前過雲暝風酣十里秋

大注 破

白板橋邊照碧虛
良宵風月畫難如
青帘匝坼閒桴繫
逸事

輸他下瀨漁

青碧灘

晚次梅林

盧兆鯨

一村茅屋小古木
鬱清陰犬吠舟中
客人歸渡口林水
聲當暮靜漁唱入
烟深買酒誰家子
可能共晚斟

書臺山懷古

貢生 張翼南 龍溪

先人前代此棲真
官職泥沙有夙因
水滙鹿崖清似鏡
樹封牛峽迥無塵
溪山如許成佳話
風月何當寄遠神
日上書臺

頻弔古千秋猶見石嶙峋

登紫鹿嵯絕頂

眞成抗俗仰垂厓破險來茲漫有懷遠水一灣回地軸奇峯
四面插天階直憑峭絕衣堪振無復風塵眼獨揩後此若爲
勞攘敢乘登高興著芒鞋

遊叢雲洞

盧志紱

飛閣臨嵯半藤陰一徑通橋危咽澗水磬響落松風峭壁嵐
光迥禪房世味空老僧留薄醉偈語白雲中

遊石燕崑步韻

楊載歌

鬼斧何年劈盤空啟洞天石榴穿古磴山雨激幽泉草蔭含
蘚潤崑深隱碧烟桃源應似此無復問歸船

艾城秋薦

乾隆丙午

司邑都

張雲鶴

蒲坂

武寧縣志

卷四十二

藝文近體

五十一

八百五十一
一百九十字

匡廬面目仰童年幸際雲衢桂馥天滿座文章輝叔固一朝
鵬鳳破江煙軍門莫鄙無心膂醜酒還期獻薊燕高會鹿鳴
懷老馬西華葑菲亦蘭荃

宦遊修水賞名賢試看鵬程走萬千蔬酌雖慚冷署飲筆花
直燦玉堂箋敢居介胄存青眼聊鼓蛟龍起碧淵大斗長酣
休厭我衣冠瞬息五雲邊

東郊別意呈同學諸知己

刑部主事

張華甫

松邑人
松浴

一曲還山直至今而今又賦出山吟乘車已慰良朋願陟屺
難安母氏心千里朔雲茅店晚五更春雪板橋深何時再酌
獅崖酒徙倚天堦望遠岑

已上三詩舊志遺今補入